

## Saksprotokoll i fylkestinget - 03.02.2017

**Nils Marton Aadland (H)** sette på vegner av H og Frp fram slik protokollmerknad:

«Høyre og Frp mener det er store betenkeligheter og utfordringer med forhandlingsresultatet som foreligger.

Dette gjelder spesielt punkt 7, hvor det heter at "Fondsmidlane, og utbytte av aksjane, skal kunne nyttast til særskilde investerings- og utviklingsprosjekt i Sogn og Fjordane". Høyre og Frp mener dette punktet ikke kan aksepteres, da en region må ha en felles økonomi. Det naturlige er da at økonomiske prioriteringer når det gjelder investering og drift blir gjenstand for politisk behandling, typisk i regionens budsjett.

Høyre og Frp mener også at det ved en sammenslåing mellom Hordaland og Sogn og Fjordane, blir vanskeligere å danne en fremtidig attraktiv Vestlandsregion sammen med Rogaland, noe som er partienes primære ønske.»

**Silje Hjemdal (Frp)** sette på vegner av Frp og H fram slikt forslag (a):

«Ordet «primært» strykes fra punkt 1, siste setning.

**Silje Hjemdal (Frp)** sette på vegner av Frp og H fram slikt forslag (b):

Alternativt forslag

Tillegg til punkt 1:

Fylkestinget mener det er avgjørende at Hordaland og Rogaland er en del av den nye Vestlandsregionen.»

**Benthe Bondhus (Sp)** sette på vegner av Sp, A og KrF fram slikt forslag:

1. «Fylkestinget viser til regionreforma og Stortinget sitt vedtak om ny regionstruktur frå 01.01.2020 med om lag 10 regionar. I den nye strukturen går fylkestinget primært inn for at det vert etablert ein Vestlandsregion som består av Hordaland, Rogaland og Sogn og Fjordane.
2. Om den nasjonale regionreforma får som utfall at tal fylke/regionar vert ført vidare på tilnærma dagens nivå, og Stortinget ikkje finn grunnlag for å overføre viktige samfunnsoppgåver frå statleg til regionalt folkevalt nivå, vil fylkestinget at Hordaland held fram og vert vidareutvikla som eige fylke/eigen region frå 2020.
3. Fylkestinget viser til at Rogaland fylkeskommune har vedteke å bestå som eigen region inntil vidare på grunn av manglande avklaringar om overføring av nye statlege oppgåver og ansvarsområde i tilstrekkeleg omfang. Det er derfor framforhandla ein intensjonsplan for etablering av ein ny folkevald region på Vestlandet bestående av Sogn og Fjordane og Hordaland. Fylkestinget godkjenner denne intensjonsplanen som grunnlag for eventuell etablering av ei slik regionløysing på Vestlandet under føresetnad av at nye oppgåver/ansvarsområde vert tilført og tilsvarande vedtak gjort i fylkestinget i Sogn og Fjordane.
4. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområde må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevald nivå.

5. Hordaland fylkesting legg til grunn at fondsmidlane omtala i punkt 7 bør brukast til fylkeskommunale/regionale investerings- og driftsoppgåver innan dagens grenser for Sogn og Fjordane.»

**Geir Kjell Andersland (V)** sette fram slikt forslag (a):

«Alternativ til punkt 2:

2. Fylkestinget viser til at Rogaland fylkeskommune har vedteke å bestå som eigen region inntil vidare på grunn av manglande avklaring om overføring av nye statlege oppgåver og ansvarsområde i tilstrekkeleg omfang. Det er derfor framforhandla ein intensjonsplan for etablering av ein ny folkevald region på Vestlandet beståande av Sogn og Fjordane og Hordaland. Fylkestinget godkjenner denne intensjonsplanen, med unntak av punkt 7 om økonomi som må reforhandlast, som grunnlag for eventuell etablering av ei slik regionløysing på Vestlandet under føresetnad av at nye oppgåver/ansvarsområde vert tilført og tilsvarende vedtak gjort i fylkestinget i Sogn og Fjordane.»

**Aud Karin Oen (SV)** sette på vegner av SV og R fram slikt forslag:

«Alternativ til fylkesrådmannen sitt forslag:

1. Fylkestinget vedtek å seia nei til ein ny Vestlandsregion så lenge ein ikkje veit kva oppgåver som vert overført frå staten til regionnivået og kva oppgåver ein får behalda. Når oppgåvene er klare kan ein ta saka opp til ny vurdering. Oppgåver som bør over på eit regionalt nivå er t.d. sjukehusa og høgskular.
2. Hordaland fylkesting går inn for at det blir gjennomført ei rådgjevande folkerøysting i vestlandsfylka i samband med stortingsvalet 2017 før slutthandsaming i fylkestinga.
3. Administrasjonsspråket i ein eventuell ny Vestlandsregion skal vera nynorsk.»

**Tom Sverre Tomren (MDG)** sette fram slikt forslag (a):

«Nytt siste punkt:

Fylkestinget vedtek å krevja følgande justering av avtalen på punkt Hovudmål 4 slik at teksten «Vestlandsregionen skal gjennom ei kontinuerleg satsing på infrastruktur og kommunikasjonar nytte synergjar mellom vekstkraftige sentra og omlandet betre. Auka samhandling og utvida bu- og arbeidsmarknadsregionar skapar sjølvgenererande vekst- og utvikling. Realisering av opprusta og ferjefri E39 vil vere ein viktig faktor for å utvikle Vestlandet som nasjonal vekstregion.

- Vestlandet er samla om at det er vesentleg med gode sambindingsvegar aust-vest, og at dei hovudkorridorane som vert valde dekkjer regionen samla best muleg.»

Vert endra til

«- Vestlandsregionen skal gjennom ei kontinuerleg satsing på infrastruktur og kommunikasjonar nytte synergjar og økologisk berekraft mellom vekstkraftige senter og omlandet betre. Realisering av utsleppsfri og Co2-nøytral ferjeflåte på Vestlandet er viktig. Det er og viktig at det blir utvikla jernbanestrukturar aust-vest som forkortar reisetida. I tillegg til dette er det også viktig at dei hovudvegkorridorane som vert valde aust-vest dekkjer regionen samla best mogleg.»

**Tom Sverre Tomren (MDG)** sette fram slikt oversendingsforslag til fellesnemnda (b):

«Hordaland fylkesting ber om at fellesnemnda drøftar namneval og logo utan å vere bunden av føringane i intensjonsavtalen. Som ein del av dette ber Hordaland fylkesting om at ein vurderer å lyse ut ein namne- og logokonkurranse for å få fleire innspel og for å skape eit folkeleg engasjement for opprettinga av den nye regionen.»

**Geir Kjell Andersland (V)** sette fram slikt forslag (b):

«Tillegg:  
Fylkestinget i Hordaland anbefaler at punkt 7 (økonomi) i intensjonsavtalen vurderes på nytt av fellesnemnden.»

### Røysting

Oen sitt forslag punkt 1 og 3 fekk 4 røyster (SV, R) og fall.

Oen sitt forslag punkt 2 fekk 14 røyster (SV, R, MDG, Frp) og fall.

Hjemdal sitt forslag punkt 1 (a) fekk 19 røyster (Frp, H) og fall.

Bondhus sitt forslag punkt 1 fekk 34 røyster (A, KrF, Sp, V, MDG) og vart vedteke.

Hjemdal sitt forslag punkt 1 (b) fekk 19 røyster (Frp, H) og fall.

Bondhus sitt forslag punkt 2 fekk 38 røyster (A, KrF, Sp, SV, R, V, MDG) og vart vedteke.

Andersland sitt forslag punkt 2 (a) fekk 3 røyster (V) og fall.

Andersland sitt forslag (b) fekk 22 røyster (V, H, Frp) og fall.

Bondhus sitt forslag punkt 3 fekk 31 røyster (A, KrF, Sp, MDG) og vart vedteke.

Bondhus sitt forslag punkt 4 fekk 34 røyster (A, KrF, Sp, MDG, V) og vart vedteke.

Bondhus sitt forslag punkt 5 fekk 31 røyster (A, KrF, Sp, MDG) og vart vedteke.

Tomren sitt forslag (a) fekk 10 røyster (MDG, SV, R, V) og fall.

Tomren sitt forslag (b) vart med 38 røyster (MDG, A, KrF, Sp, SV, R, V) vedteke oversendt på vegner av forslagsstillaren utan realitetsbehandling.

### Vedtak

1. Fylkestinget viser til regionreforma og Stortinget sitt vedtak om ny regionstruktur frå 01.01.2020 med om lag 10 regionar. I den nye strukturen går fylkestinget primært inn for at det vert etablert ein Vestlandsregion som består av Hordaland, Rogaland og Sogn og Fjordane.
2. Om den nasjonale regionreforma får som utfall at tal fylke/regionar vert ført vidare på tilnærma dagens nivå, og Stortinget ikkje finn grunnlag for å overføre viktige samfunnsoppgåver frå statleg til regionalt folkevalt nivå, vil fylkestinget at Hordaland held fram og vert vidareutvikla som eige fylke/eigen region frå 2020.
3. Fylkestinget viser til at Rogaland fylkeskommune har vedteke å bestå som eigen region inntil vidare på grunn av manglande avklaringar om overføring av nye statlege oppgåver og ansvarsområde i tilstrekkeleg omfang. Det er derfor framforhandla ein intensjonsplan for etablering av ein ny folkevald region på Vestlandet bestående av Sogn og Fjordane og Hordaland. Fylkestinget godkjenner denne intensjonsplanen som grunnlag for eventuell etablering av ei slik regionløyning på Vestlandet under føresetnad av at nye oppgåver/ansvarsområde vert tilført og tilsvarande vedtak gjort i fylkestinget i Sogn og Fjordane.
4. Fylkestinget vil understreke at folketal og geografisk utstrekning ikkje må vere til hinder for etablering av Vestlandsregionen i ein ny regionstruktur, og at generalistprinsippet for oppgåvedeling mellom statlege og regionale ansvarsområde må kunne fråvikast i ein regionstruktur med svært ulikt innbyggjartal i dei nye regionane. Fylkestinget ber om at oppgåvedifferensiering vert lagt inn i mandatet til ekspertutvalet som skal vurdere overføring av nye statlege oppgåver til regionalt folkevalt nivå.

5. Hordaland fylkesting legg til grunn at fondsmidlane omtala i punkt 7 bør brukast til fylkeskommunale/regionale investerings- og driftsoppgåver innan dagens grenser for Sogn og Fjordane.

#### **Protokollmerknad frå Frp og H**

Høyre og Frp mener det er store betenkeligheter og utfordringer med forhandlingsresultatet som foreligger.

Dette gjelder spesielt punkt 7, hvor det heter at "Fondsmidlane, og utbytte av aksjane, skal kunne nyttast til særskilde investerings- og utviklingsprosjekt i Sogn og Fjordane". Høyre og Frp mener dette punktet ikke kan aksepteres, da en region må ha en felles økonomi. Det naturlige er da at økonomiske prioriteringer når det gjelder investering og drift blir gjenstand for politisk behandling, typisk i regionens budsjett.

Høyre og Frp mener også at det ved en sammenslåing mellom Hordaland og Sogn og Fjordane, blir vanskeligere å danne en fremtidig attraktiv Vestlandsregion sammen med Rogaland, noe som er partienes primære ønske.